



SEMASA

e-Invois Bakal Dilaksanakan Bermula Ogos, Ini Apa Yang Korang Perlu Tahu



by Lobak Merah Partner Content
a day ago





Dalam usaha menyokong pertumbuhan ekonomi negara, e-invois bakal dilaksanakan secara berperingkat bermula Ogos 2024 [↑] bagi meningkatkan kecekapan pentadbiran cukai di Malaysia.

Secara umumnya, e-Invois merupakan representasi dalam bentuk digital untuk segala transaksi yang dijalankan antara penjual dan pembeli. Jadi, dengan penggunaan e-Invois ini, tiada lagi penggunaan dokumen kertas atau elektronik seperti kebiasaan

dalam format PDF, JPEG, DOC dan sebagainya.

Selain itu, segala maklumat penting yang sama seperti dokumen tradisional seperti butiran penjual dan pembeli, keterangan item, kuantiti, harga tanpa cukai, cukai dan jumlah keseluruhan akan direkodkan melalui e-Invois.



BIL. 1



INFO E-INVOIS HASiL

Apa itu e-Invois?

e-Invois merupakan representasi dalam **bentuk digital** bagi transaksi yang dilaksanakan antara **penjual** dan **pembeli**. e-Invois menggantikan penggunaan dokumen kertas atau elektronik seperti dalam format pdf, jpeg, doc dan lain-lain.

✓ **Contoh format e-Invois:**

XML

JSON

✗ **Contoh bukan format e-Invois:**

PDF

DOC

JPG

INVOICE KERTAS

E-MEL

Bagaimana mengemukakan e-Invois?

Terdapat **dua (2) mekanisme** atau kaedah yang boleh digunakan oleh pembayar cukai (penjual) untuk mengemukakan e-Invois kepada HASiL seperti berikut:

1



Portal MyInvois

Portal MyInvois dibangunkan oleh HASiL untuk kegunaan semua pembayar cukai secara percuma





Sistem MyInvois



2



Integrasi API

Pembayar cukai mengintegrasikan sistem perniagaan mereka dengan Sistem MyInvois melalui *Application Programming Interface (API)*

Layari Laman Mikro e-Invois @ Portal Rasmi HASiL untuk maklumat lanjut berkaitan pelaksanaan e-Invois

<https://www.hasil.gov.my/e-invois>

Sumber: [HASiL.gov.my](https://www.hasil.gov.my)

 @HASiLMalaysia
 @HASiL_Malaysia
 @hasil_malaysia
 03-8911 1000

Dalam masa yang sama, pelaksanaan e-Invois ini bakal membolehkan pengesahan serta penyimpanan transaksi secara 'real-time' serta memenuhi pelbagai jenis transaksi termasuklah :

- Perniagaan-ke-perniagaan (B2B)
- Perniagaan-ke-Pengguna (B2C)
- Perniagaan-ke-Kerajaan (B2G)

Manfaat e-Invois

Disebabkan kesemua dokumentasi tidak lagi dilakukan secara *manual*, e-Invois bakal meningkatkan kecekapan, melancarkan operasi perniagaan serta meningkatkan tahap pematuhan cukai.





INFO E-INVOIS HASIL

BIL. 4

Apakah jenis-jenis e-Invois yang dikeluarkan?

Terdapat empat (4) jenis e-Invois yang dikeluarkan seperti berikut:

1



INVOIS

Dokumen komersial yang **menyenaraikan** atau **merekodkan transaksi** antara penjual dan pembeli, termasuk pengeluaran e-Invois bil sendiri.

2



NOTA DEBIT

Dokumen komersial dikeluarkan oleh penjual untuk membetulkan kesilapan dalam e-Invois yang telah dikeluarkan bagi **menambah** nilai e-Invois asal.

3



NOTA KREDIT

Dokumen komersial dikeluarkan oleh penjual untuk membetulkan kesilapan dalam e-Invois yang telah dikeluarkan bagi **mengurangkan** nilai e-Invois asal.

4



NOTA BAYARAN BALK

Dokumen yang dikeluarkan oleh penjual untuk **merekodkan bayaran balik** bagi pembayaran yang telah dibuat oleh pembeli.

Mengapakah e-Invois perlu dikeluarkan?

Pembuktian pendapatan penjual



Pembuktian perbelanjaan pembeli

Maklumat dan bantuan lanjut berkaitan pelaksanaan e-Invois:

<https://www.hasil.gov.my/e-invois>

03-8682 8000 (Talian 24 jam)


Sumber: [HASIL.gov.my](https://www.hasil.gov.my)  @HASiLMalaysia  @HASiL_Malaysia  @hasil_malaysia  03-8911 1000

Manfaat e-Invois termasuklah :

- Mengurangkan proses manual dan kesilapan

- Memudahkan pengemukaan borang nyata
- Meningkatkan kecekapan operasi
- Mendigitalkan pelaporan percukaian dan kewangan

Gambaran Keseluruhan



Bagi memudahkan peralihan kepada e-Invois, pembayar cukai boleh memilih mekanisma paling sesuai untuk menghantar e-Invois kepada pihak **Lembaga Hasil Dalam Negeri Malaysia (LHDNM)**.

Ada 2 pilihan mekanisme yang disediakan iaitu :

1. Portal MyInvois

- Portal yang dihoskan oleh LHDNM
- Boleh diakses oleh semua pembayar cukai tanpa sebarang kos
- Juga boleh diakses oleh pembayar cukai yang perlu mengeluarkan e-Invois ketika mana sambungan Application Programming Interface (API) tidak tersedia

2. Application Programming Interface (API)

- API adalah satu set kod pengaturcaraan yang membolehkan penghantaran data secara langsung antara sistem pembayar cukai dan Sistem MyInvois
- Memerlukan pelaburan awal dalam teknologi dan pelarasan kepada sistem sedia ada
- Sesuai untuk pembayar cukai besar atau perniagaan dengan jumlah transaksi yang besar

Garis Masa Pelaksanaan

e-Invois bakal dilaksanakan secara berperingkat bagi memastikan ia lancar selain untuk pembayar cukai memiliki tempoh masa yang mencukupi dalam menyediakan dan menyesuaikan diri dengan pelaksanaan ini.





INFO E-INVOIS HASIL

BIL. 2

Bilakah e-Invois perlu dilaksanakan?

e-Invois akan dilaksanakan **secara berperingkat** mengikut garis masa pelaksanaan mandatori e-Invois seperti di bawah:

Sasaran Pembayar Cukai	Tarikh Pelaksanaan
Pembayar cukai dengan pendapatan atau jualan tahunan melebihi RM100 juta	1 Ogos 2024
Pembayar cukai dengan pendapatan atau jualan tahunan melebihi RM25 juta dan sehingga RM100 juta	1 Januari 2025
Semua pembayar cukai yang menjalankan aktiviti komersial dan perniagaan baharu (tahun 2023 ke atas)	1 Julai 2025

Bagaimana pendapatan atau jualan tahunan ditentukan?

Penentuan pendapatan atau jualan tahunan	Penyata beraudit:	Penyata tidak beraudit:	Perubahan tempoh perakaunan:
	Berdasarkan pelaporan di dalam Penyata Pendapatan Komprehensif bagi Tahun Kewangan 2022	Berdasarkan pelaporan di dalam Borang Nyata Cukai Pendapatan bagi Tahun Taksiran 2022	Berdasarkan pendapatan bagi tahun 2022 yang dipro-ratakan kepada 12 bulan

Maklumat dan bantuan lanjut berkaitan pelaksanaan e-Invois:

<https://www.hasil.gov.my/e-invois>

03-8682 8000 (Talian 24 jam)

Sumber: [HASIL.gov.my](https://www.hasil.gov.my)

 @HASiLMalaysia
 @HASiL_Malaysia
 @hasil_malaysia
 03-8911 1000

Pengecualian Penggunaan e-Invois

Untuk tujuan e-Invois, terdapat pengecualian pelaksanaan kepada beberapa golongan. Menurut [laman web LHDNM](#), individu atau badan berikut adalah pada masa ini dikecualikan daripada mengeluarkan e-Invois (termasuk pengeluaran bil sendiri e-Invois):

(a) Pemerintah dan Ketua Pemerintah 1

(b) Bekas Pemerintah dan Ketua Pemerintah 2

(c) Permaisuri seorang Raja Negeri yang bergelar Raja Perempuan,

Sultanah, Tengku Ampuan, Raja Permaisuri, Tengku Permaisuri atau

Permaisuri

(d) Permaisuri Bekas Raja Negeri yang sebelum ini bergelar Raja

Perempuan, Sultanah, Tengku Ampuan, Raja Permaisuri, Tengku

Permaisuri atau Permaisuri

(e) Kerajaan

(f) Kerajaan negeri dan pihak berkuasa negeri

(g) Pihak berkuasa kerajaan

(h) Pihak berkuasa tempatan

(i) Pihak berkuasa berkanun dan badan berkanun



(j) Kemudahan yang disediakan oleh kerajaan, pihak berkuasa atau badan di atas

(cth., hospital, klinik, dewan serbaguna, dsb.)

(k) Pejabat konsular dan pegawai diplomatik, pegawai konsular dan

pekerja konsular

(l) Individu yang tidak menjalankan perniagaan

Portal MyInvois





Portal MyInvois adalah mekanisme penghantaran e-Invois yang disediakan khas oleh **HASiL secara percuma** dan direka bagi memudahkan pelaksanaan e-Invois kepada semua pembayar cukai, terutamanya kepada mereka yang tidak mempunyai sistem perniagaan untuk mengeluarkan e-Invois.

Portal ini boleh diakses melalui komputer, komputer riba dan telefon pintar bagi membolehkan pengguna mengendalikan e-Invois pada bila-bila masa dan di mana jua.

Layari Laman Mikro e-Invois di Portal Rasmi HASiL (<https://www.hasil.gov.my/en/e-invoice>) atau hantarkan sebarang pertanyaan e-Invois kepada myinvois@hasil.gov.my dan boleh juga menghantar sebarang pertanyaan lain melalui Borang Maklum Balas

Pelanggan MyInvois di <https://feedback.myinvois.hasil.gov.my>

Vote!

Dah ready ke penggunaan e-Invois ni?



Err, tak



7

